

Lorna C. Jansen-Varlack (AVP)

Celebracion di Dia di nos Lengua Materno tawata hopi educativo y ameno

ORANJESTAD (AAN): Dia 19 di februari 2015 a celebra dia di nos Lengua Materno Papiamentu na Biblioteca Nacional. Tur presente por a gosa di un programa hopi varia di poesia, charla y di dichonan y proverbionan na Papiamentu.

Actividadnan asina ta yuda pa conscientisa nos hendenan tocante e importancia di un idioma propio y cu idiomanan ta pasa den cambionan regularmente pa loke ta toca palabranan y expresionnan.

Ya pa un par di aña caba

Aruba conoce scolnan piloto multilingual unda e idioma di instruccion pa loke ta toca e prome gruponan ta Papiamentu cu e intencion pa den futuro bay over na tur e otro scolnan preparatorio y basico. Scolnan di enseñansa special ta cana dilanti pa lo cual ta trata instruccion completamente na Papiamentu.

Ainda tin hopi discusion riba e tema aki y decisionnan mester wordo tuma pa loke ta trata e ortografia oficial. Hopi estudio a wordo haci den pasado y ainda tin estudionan cu ta tumando luga. E programa di e ano-



chi a encera declamacion di poesia y un charla di sr. Ra-

mon Todd Dandaré cu tawata educativo y informativo

unda el a splica tur presente tocante di e origen di Papiamentu te cu e situacion di nos idioma awe y e retonan pa futuro. Shi Préké tambe a sa di entretene tur presente cu dichonan di su buki y nan splicacion.

Pabien na e Fundacion Lengua Materno cu su 5 aña di existencia y pa e bunita celebracion. Ta keda na pueblo pa mantene nos idioma Papiamentu bibo y pa carga e cu hopi amor y respet. Nos idioma ta parti di nos identidad, hunto nos mester salvaguardia e pa nos futuro generacionnan! □